



N<sup>o</sup> 214

v

Zinn

Schnaase ffur Laifbibliothek

3<sup>te</sup> Danzig

23634 //

Hist. 3278.

K. B.  
N<sup>o</sup> 103

- 1.
- 2.
- 3.
- 4.
- 5.
- 6.
- 7.
- 8.



024. St. Petersburg in der Zeit Stanisł. i. Luid. August. Stanisławski!
1. Accurate Nachricht von der Russisch n. sächsischen Belagerung - n. Bombardirung der Stadt Danzig. Cöln 1735  
[Autory: Georg Daniel Seyler i. Peter Georg Schultz]
  2. Aufrechte Erzählung wie es mit der Wahl Stanislaus Leszczyński und Frederici Augusti zugegangen. [1735]
  3. Pacta conventa zwischen ... Stanislaus I. ... und den Stän, den der Republique Pohlen - Danzig 1733
  4. [Stanislaus Leszczyński, Polonae Rex] Lettre du Roy -- à un de ses amis, contenant les véritables circonstances de sa retracte de Danzig. 1734.
  5. Brieff eines Partey, in welchem die Schrift. Respons Anony, mi do pernego Pryjawała x Głaiński bieżącego -- widerleget. [1735]
  6. Der andere Brieff eines Partey, in welchem die Schrift. Respons na manifest Króla i. mi Prymasa ... widerleget wird [1735]
  7. Land-schreiben eines Polnischen von Adel an einen ... Freund v. d. a. 1733 --- Rgl. Polnischen Wahl -- [1735]
  8. Einmüthiger Schluss ... welchen die ... aus dem Senatoren und Riker - Stände zur Seite geordnete ... Rätthe am 10 Febr. 1734 in Danzig beliebt haben. [1735]



9. Conföderation der sandmirischen Woyewodschaft,  
vor die Vertheidigung des cathol. Glaubens, der freyen  
Wahl in der Kgl. Würde Stanislaw I. -- [1735]
10. Sentiment der polnischen Nation --- dem russ.  
u. cosack. Geschlechte zur Ueberlegung communiciret. -- [1735]
11. Fides indubitata omnium Ordinum Regni ad Kannonem,  
nam probata. Electionem --- Electoris Saxoniae ---  
factam. [1735]
12. Fides indubitata contra Fidem ad Kannonem --- in  
licentiam Elect. Sax. pro Rege Pol. seductionem post  
religiosam Stanislaw I. --- proclamationem. -- [1735]
13. De prospera Regis Poloniae a. 1733 electione Equites  
Poloni ad amicum confidentem epistola --- [1735]
14. Copia litterarum cuiusdam Equitis Poloni ad --- Electo-  
rem Saxoniae --- [1735]
15. Apologia malitiose vexati honoris Primatis Regni  
--- per literas Principis Eugenii ad Vesirium --- [1735]
16. Rede der Deputirten der Stadt Sautzig --- an J. Rus,  
siehe Kays. M. -- Sautzig 1734.



17. Bewegungs-Gründe der Kgl. Entschliessungen oder gründliches Verzeichniß der Ursachen welche J. K. M. von Frauch, nach zu den Waffen zu greiffen bewegen --- [1735]
18. [Stanislaus I Leuceryński, Poloniae Rex] Der wahre Glück- und Unglücks-Spiegel des Königes --- [1734]
19. Kurtze Relation von der Krohnung Stanislai I. --- und dessen Gemahlin --- in Warschau --- am 4 Oct. 1705. --- 1733.
20. Die innigste Freude der Stadt Danzig und deren Einwohner über die hohe Gegenwart Stanislai I. --- Danzig 1733.
21. An dem hohen Geburtstags-Licht Stanislai I. --- durch einen --- Prologuen --- sich præsentiren --- anwesende Truppe hochteutscher Comœdianten --- [1733]
22. Copia der Kriegs-Declaration des Königs von Frauch, reich wider den Kayser von 10. Oct. 1733. --- 1733.
23. Engelcke Jakob, Das auf der Götter-Assemblee wohl-ausgesprochene Lob- und Ehren-Urtheil über die --- Kauf- und Hauwels-Männer --- in Danzig. Danzig 1734
24. Lengnich Gottfried, Augusti Optimi Regis Poloniae ... d. 1. Febr. salutis publicae crepti memoriam Urbis




Senatus d. 5. Mart. --- oratione celebrare  
iussit --- [1733]

25. Lengnich Goffried, Augusti II Regis Polonae...  
involgentiam Senatus iussu oratione celebravit...  
Gebani [1733].




1. Die Geschichte der Stadt Danzig von 1618 bis 1621.
2. Die Geschichte der Stadt Danzig von 1621 bis 1624.
3. Die Geschichte der Stadt Danzig von 1624 bis 1627.
4. Die Geschichte der Stadt Danzig von 1627 bis 1630.
5. Die Geschichte der Stadt Danzig von 1630 bis 1633.
6. Die Geschichte der Stadt Danzig von 1633 bis 1636.
7. Die Geschichte der Stadt Danzig von 1636 bis 1639.
8. Die Geschichte der Stadt Danzig von 1639 bis 1642.
9. Die Geschichte der Stadt Danzig von 1642 bis 1645.
10. Die Geschichte der Stadt Danzig von 1645 bis 1648.
11. Die Geschichte der Stadt Danzig von 1648 bis 1651.
12. Die Geschichte der Stadt Danzig von 1651 bis 1654.
13. Die Geschichte der Stadt Danzig von 1654 bis 1657.
14. Die Geschichte der Stadt Danzig von 1657 bis 1660.
15. Die Geschichte der Stadt Danzig von 1660 bis 1663.
16. Die Geschichte der Stadt Danzig von 1663 bis 1666.
17. Die Geschichte der Stadt Danzig von 1666 bis 1669.
18. Die Geschichte der Stadt Danzig von 1669 bis 1672.
19. Die Geschichte der Stadt Danzig von 1672 bis 1675.
20. Die Geschichte der Stadt Danzig von 1675 bis 1678.
21. Die Geschichte der Stadt Danzig von 1678 bis 1681.
22. Die Geschichte der Stadt Danzig von 1681 bis 1684.













1  
4  
23



AUGUSTI  
SECUNDI  
REGIS POLONIÆ  
MAGNI DUCIS LITVANIÆ  
RUSSIÆ PRUSSIÆ ALIARUMq;  
REGNO JUNCTARUM PRO-  
VINCiarUM DOMINI  
DVCIS SAXONIÆ S. R. IMPERII  
NOVEMVIRI ET ARCHI-MARE-  
SCHALLI  
INDULGENTIAM  
SENATUS JUSSU  
ORATIONE

CELEBRAVIT

GODOFREDUS LENGNICH D.

ELOQV. ET POES. PROF. PUBL.

---

GEDANI, TYPIS THOMÆ JOHANNIS SCHREIBERI,  
SENATUS ET ATHENÆI TYPOGRAPHI.



IN OMNIBUS LIBRARIIS

LIBRARIIS



GOVERNMENT OF THE

LIBRARY OF THE



VIRIS  
PERMAGNIFICIS MAGNI-  
FICIS GENEROSIS  
AMPLISSIMIS  
PRÆSIDI  
CONSULIBUS  
SENATORIBUS  
SYNDICO

DE GEDANO IMMORTALITER  
MERITIS

S.





eretur, *Patres*, **VE-**  
**STRA** in defunctum  
**AUGUSTUM**  
Pietas, ad Poster-  
tatem transmitti,

quo cum plurima alia, tum bonos  
Principes & post mortem colere, **VE-**  
**STRO** exemplo discat. Egi mentis  
**VESTRÆ** interpretem, & dixissetis ea-  
dem, sed facundius, si **VESTRUM** po-  
tius esset, bene dicere, quam sapien-  
ter regere. Constat enim inter omnes,  
quantus in **VESTRIS** pectoribus sit  
**AUGUSTUS SECUNDUS,**  
ut



ut nulla a VOBIS venerantium officia  
omissa, ut, cum pro immortalibus bene-  
ficiis, gratia digna referri haud posset,  
habita tamen summa, ideo duratura,  
quod non metus expressit, sed amor  
persvasit. Non tamen sola cultus cau-  
sa *Princeps* extitit, magnæ **IL-**  
**LIUS** virtutes perpetua fuere norma,  
ad quam VESTRÆ civitatis regimen  
institueretis. **ILLE** Indulgentissimus;  
Vos caritate in Patriam nulli ceditis  
magistratui. **ILLIUS** Providentia  
Regnum & Paternas Provincias augu-  
stiores effecit; VESTRA in eo cura, ut ur-  
bem & difficillimis temporibus flerentio-  
rem



rem redderetis. **ILLE**, quod in uno-  
rarum, litteras fovit, rem militarem or-  
dinavit, & commerciis ad summum  
provectis, cives insigniter locupletavit;  
eadem **VESTRA** sollicitudo, ut studia  
vigeant, ut militari præsidio firmata  
securitas, & negotiatores sua industria  
suo labore fruantur lætenturq;: & esse-  
tis illustri sane documento, posse  
*Optimum Princepem*, solo exemplo  
bonos reddere magistratus, nisi natura  
Vobis insitum, publicam rem ex utili-  
tate omnium curare & augere. Nec  
aliis artibus **VESTRI** Majores urbem  
hanc ex tenui initio, ad tantum fasti-  
gium,



gium, quantum civitates, suis saltem  
opibus adjunctæ, capere aut sperare pos-  
sunt, extulerunt, ut, dum ingenuas ar-  
tes, dum res bello gestas, & acerrime  
defensam libertatem, dum remotissi-  
mas mutuis com meatibus junctas Ter-  
ras cogitamus, unum *Gedanum, Athe-  
nas, Spartam, Tyrum* continere vide-  
tur. VESTRAE, post **DEUM**, *Pa-  
tres*, debetur vigilantia, quod illa glo-  
ria inter tot sæculi nostri injurias, ste-  
terit inconcussa. Servabit VOBIS Sum-  
mum **NVMEN** hunc in *Patriam*  
animum, quem dedit, immotumque ju-  
bebit bene merendi studium, quo Vos,  
pe-



perenni felicitate, omnium bonorum  
affluentia, & ipsa immortalitate eva-  
sistis dignissimi. Liceat tamen & ali-  
quam mei mentionem adiicere. Sunt  
anni plurimi, ex quo ad singularem VE-  
STRAM curam pertineo, expertusque sæ-  
pius cum gratiam tum liberalitatem VE-  
STRAM, ut non unum alterumque, sed  
seriem aliquam beneficiorum memo-  
rare possim. Quid aliud habeo a **DEO**  
precari, quam ut ille VESTER favor, ad  
vitæ finem duret, ut, qui jam nullius cul-  
pæ conscius, sic sub VESTRIS oculis res  
meas perpetuo agam, quo aliquando po-  
steritas, cuius iudicium quotidie, sine  
formidine cogito, me *Tanto Senatu,*  
*Tantis Patronis*, non plane indignum  
fuisse civem ac clientem, censeat.



24  
AUGUSTI

OPTIMI

REGIS POLONIÆ  
MAGNI DUCIS LITVA-  
NIÆ PRUSSIÆ ALIARUMQVE  
REGNO JUNCTARUM  
PROVINCiarUM

DOMINI  
DUCIS SAXONIÆ S. R. IMPERII  
NOVEMVIRI ET ARCHI-MARE-  
SCHALLI

DOMINI QVONDAM INDULGENTISSIMI

*D. 1. FEBRUARII SALUTI PUBLICÆ EREPTI*

MEMORIAM



# URBIS SENATUS

D. V. MARTII

IN

AUDITORIO ATHENÆI MAXIMO

## ORATIONE

CELEBRARI JUSSIT

AD QVAM AUDIENDAM

MÆCENATES PATRO-  
NOS FAUTORES

SUO QVEMQVE ORDINE ET LOCO  
DEBITE DECENTERQVE CO-

LENDOS

QVA PAR EST

REVERENTIA CULTU STUDIO

INVITAT

SIMVL CIVES ATHENÆI

IN COMMUNEM LUCTUM CONVOCAT

GODOFR. LENGNICH, D.

ELOQY. ET POES. PROF. PUBL.





varius adhuc currit annus, ex quo publice AUGUSTO precatus, ut perpetua vita dignissimus *Princeps*, per tantum temporis spatium rebus nostris præesset, quo ex summa senectute *longævus* a posteris diceretur. Videbatur *Deus* pio pro Publica Salute voto annuisse, cum illi qui suis oculis *Principem* viderant, qui *Campestribus Ejus* meditationibus, binis illis belli spectaculis, per ludum, sed summa magnificentia, editis, interfuerant, uno ore referrent, non valere tantum, sed revirescere, & quod post sexaginta annos rarum, corpus nova carne vestiri. Tum felicitatem nostram in longum proferebamus, & futurorum securi, præsentibus fruebamur. Injiciebat quidem animis nostris solitudinem rumor, serpere per *Poloniam* clandestina dissidia, mox in apertum proruptura, nec vanum esse inde colligebamus, quod Comitia re omni infecta, animis exacerbatis, inter minas diffuerent. Sed curam hanc eximebant lætiora postremi Con-



ventus initia, *Ordinis Equestris Præsides* feliciter delecto: quem nuntium mox alius, sed longe tristissimus sequebatur, *Regem* in Palatio ad Varfaviam, d. i. Februar. extinctum. Erat. VI. illius mensis, media fere vespera, cum fama urbem nostram pervagaretur, ac luctu quasi domestico compleret, ut videretur non Princeps, sed cognatus, & familiaris arctius junctus a singulis plangi, imo illi ipsi, qui jacturam minus intelligebant, lamentabantur tamen, quod olim ab aliis acceperant, *Regis* obitum allaturum paci, & bonis quæ paci debentur, finem, secuturumque Interregnum turbulentius.

Qui tamen dolorem ex illius causa metiebantur, mortem tanti *Regis* & *Domini* tam benignissimi, non satis defleri posse secum statuebant. Repetebant enim illa bona, quibus AUGUSTO Imperante floruit Polonia: pacem, ex quo ferale illud bellum, fato potius, quam humano consilio excitatum, confedit, perpetuam; motus intestinos Principis lenitate statim sedatos; Regnum ad splen-



splendorem exurgens; melius ordinatam  
Rempublicam; redactos ad justum numerum  
certasque leges exercitus; provisa in statos  
dies stipendia: addebant cælestes AUGUSTI  
virtutes, animum utraque fortuna immotum,  
magnificentiam, liberalitatem, clementiam,  
humani sanguinis abstinenciam, & plures,  
quæ si in aliis singulæ, in nullo junctæ depre-  
henduntur. Fiebat temporum collatio, qui-  
bus susceperat imperium & posuerat. JO-  
HANNES III. enim, utique inter laudatissi-  
mos Reges referendus, Procerum discordiam  
neque prævertere, neque componere valuit:  
quæ ut ipso vivente, exarserat, sic post mortem  
in belli intestini flammam, erumpebat, non  
una clade Litvaniam misere affligentem. Mi-  
les retenta sibi aliquot annorum stipendia sæ-  
pius flagitaverat, & cum precibus nil profe-  
cisset, foedere inter se facto, orbæ Reipubli-  
cæ tributa imperabat. His externum acce-  
debat bellum, quod cum Turcis ante aliquot  
annos cœptum durabat. Is Regni status, cum  
AUGUSTUS gubernaculis admoveretur,



quod pacatum undique Reipublicæ, a qua tot  
turbis agitatum receperat, reddit, dum mor-  
talitate exsolvitur: ut si non aliud præter hoc,  
cum innumera tamen sint, contulisset benefi-  
cium, æternam memoriam mereatur. Uti  
autem in oceano malacia, perpetuo infida, sic  
bonos qui ex præteritis futura provident, ipsa  
hæc publica tranquillitas anxios reddit, quæ  
si & ad *Successorem* duret, non ideo tamen me-  
tu liberantur, quod, dum *dignissimum* optant,  
qualis futurus, ancipites expectant.

His causis movebantur, qui non ad alio-  
rum exemplum, sed cum ratione AUGUSTI  
obitum dolebant, neque aliis *Urbis Senatus*  
perturbatur. Nam cum *Ille*, veluti in specu-  
la constitutus, pro nostra fortuna excubat,  
propius *Eundem* publicæ calamitates tangunt.  
Non poterat sine lacrymis *Consul* de *Principis*  
exitu referre, & qui audiebant, vultu &  
sermone moerorem proferebant. Indictum  
statim iustitium, quod quidem ex more ve-  
teri, sed & sine exemplo indictum fuisset,  
imo populus, ut Romani olim post Germa-  
nici



nici necem, ultro sumfisset. Id constat, nullius *Principis* mortem tam alte in omnium animos penetrasse, nec ullum ea fide fuisse comploratum. Quo tamen in publico hoc luctu, & *Athenæum* sui doloris signa ederet, *Senatus* auctoritate, mihi injunctum, d. V. Martii, laudationem *Optimi Regis* peragere. Poterat id muneris eloquentiori demandari, poterat & majori arte instructo, at cui major in *Defunctum* pietas, nulli. Legi prius AUGUSTUM, post miratus, dein colui, jam defleo semperque deflebo. Non Majestatem Ejus, non Purpuram suspexi, sed facta, sed virtutes, & coluissem privatum, si iis fuisset conspicuus, quibus *Princeps* effulset. Sicuti autem pictor, in exigua tabella, omnes ab AUGUSTO gestas res, actaque egregie, descripturus, singula minutissimis punctis humanum oculum fugientibus, notaret: ita si totum AUGUSTUM uno sermone comprehendere vellem, quævis in pulverem redigenda forent, nisi spissius volumen recitare animus esset. Ideo ex cæteris, quibus AUGUSTUS



STUS constat, unam mihi desumpsi *Indulgentiam*, quam tamen non toto suo ambitu, quod latissime patet, sed quæ in divina illa virtute exstantiora, memorabo.

Ad audiendum, non facundum quidem, afflictum tamen, & ad temporis necessitatem compositum Oratorem, *Urbis Senatum*, *Magistratus*, *Eruditos* quosvis, & si qui *Exteræ dignationis* concionem splendidiorum reddere voluerint, quo decet cultu & studio, invito. Erit insigne in *defunctum Principem* pietatis documentum, ideo confluere, ideo audire, quod de AUGUSTO verba fiunt.

Vos autem Athenæi cives, quos olim, cum Trajanum a Plinio descriptum legerem, AUGUSTUM venerari, *Optimum Principem*, Optimo Trajano præferre docui, quibus modo res, moderante AUGUSTO, in Polonia gestas, explico, adeste frequentes. Æmulamini Doctorem vestrum, & facie cultuque animi moerorem ostendite. AUGUSTUM amissitis, *Cui* parem non videbitis, nec visura posteritas. P. P. Dominica Reminiscere, anni  
MDCCXXXIII.



**AUGUSTI  
SECUNDI  
LAUDATIO.**



THE UNIVERSITY OF

CHICAGO

LIBRARY





REGIE BURGGRAVIE  
ILLUSTRIS.  
CONSULES  
URBIS SENATORES  
PERMAGNIFICI, MAGNIFICI,  
GENEROSI, AMPLISSIMI.  
HOSPITES EXTERNA DIGNI-  
TATE ILLUSTRIS.

VIRI  
SUMME REVERENDE, NOBI-  
LISSIMI, CONSULTISSIMI, EX-  
PERIENTISSIMI, PLURI-  
MUM REVERENDI, CLARIS-  
SIMI, DOCTISSIMI  
SPECTATISSIMI.



MÆCENATES, PATRONI,  
FAUTORES, COLLEGÆ.

UT PAR EST, VENERANDI, COLENDI, ET OMNI  
OFFICIORUM GENERE PROSEQVENDI.

TU DENIQ; IN COMMUNEM LUCTUM ADVOCATA  
STUDIOSÆ JUVENTUTIS CORONA

ÆTATIS FLOS, PATRIÆ SPES, TUORUM  
ET NOSTRÆ DELITIÆ.



eractis in laboriosa &  
exercita *statione* annis  
triginta quinque; red-  
dita foris pace; firma-  
ta domi concordia; as-  
fertis legibus; exerci-  
tibus ordinatis; publi-  
ca felicitate ad summum perducta : immor-  
talitatem, quam virtute & ingentibus factis  
meruit, repetit AUGUSTUS. Regnum,  
tot

tot tantæque Regno junctæ Provinciæ, omnes  
quos late diffusum *Poloni* orbis spatium con-  
tinet cives, attoniti & defixi, qui quando  
per stuporem sentire vulnus conceditur, ere-  
ptum *Optimum Principem*, amissum commu-  
nem *Parentem*, sublatam salutis suæ *fiduciam*,  
uno ore lamentantur. O fallaces Spes no-  
stras! O vota inania, & everfam plane ex-  
pectationem! Non quidem nos fugiebat, cur-  
rere *Regi* annum sexagesimum tertium, &  
ad finem vergere; neque ignari, paucis mor-  
taliū id ætatis contingere, & ex Imperan-  
tibus vix uni & alteri: at cum cogitaremus  
compactum & robustum *Principis* corpus; re-  
ceptas post ultimam illam valetudinem, quæ  
mortem minitabatur, vires, imo auctas; eun-  
dem qui olim mentis vigorem: finem longe  
abesse læti sperabamus. Et cur non angu-



stias, quibus mortalitas coercetur, excederet,  
*Qui* humanam conditionem virtutibus, &  
*Imperantes* meritis dudum fuerat supergressus?  
Neque in aliud, anni initio vota nostra con-  
ferebamus, cum esset illorum summa, vita  
& incolumitas AUGUSTI. Id publice, id  
privatim; id nobis, id posteris precabamur;  
quod *Parens* noster non uni sæculo, sed plu-  
ribus natus videbatur, & sic diligebamus  
Patriam, ut felicitatem, cum perpetua esse  
non posset, quam longissimam optaremus.  
Excipiebat vota nostra *Principis* ex *Saxonia*  
profectio: mox nuntii, festinare Eundem in  
Poloniam; jam prope Varsaviam venisse;  
coepta Regni Comitia; delectum, in qua re  
aliqvoties summa ope, frustra laboratum fu-  
erat, *Eqvestris* ordinis *Præsidentem*, & felicem  
publicorum negotiorum eventum colligi. In  
hac

hac eramus expectatione, & adfertur, *Regem* subsistere in Palatio ad Varfaviam; abstinere publico; minus commode agere; decumbere; intendi morbum; &, quo funestius auditum nihil, exspirasse.

Ideone, AUGUSTISSIME, ex tua *Saxonia* in *Poloniam* properabas, ut citis passibus morti occurreres? Ideone *Te* amplexibus & osculis *Filii*, *Nurus*, *Nepotum* subtraxisti, quo paucioribus lacrymis decederes, nec ultimus *Tui* aspectus, dulcissima illa *Pignora* turbaret affligeretque? Hæcne Comitiorum fuit causa? ut adstante omni *Polonia* poneres Imperium, quod *Eadem* spectante olim suscepas; ut Cives, qui cæteras *Tuas* divinas virtutes suspexerant, jam ex *Te* discerent, quo animo e vita exeundum; ut coram intueren-



tuerentur, *dexteram* illam, quæ per tot annos  
Reipublicæ gubernacula sapientissime rexit,  
quæ ferrum pro Publica salute, pro libertate  
Patriæ, pro omnium fortunis toties strinxit,  
quæ *Regias* opes in liberalitatem & beneficen-  
tiam nullo antea exemplo effudit, novissima  
jam luce oculos *Tibi Ipsi* claudere; ut deni-  
que constaret, *Te, Qui* Solus Imperiū  
curis suffecerat, & sine alieno ministerio  
mori posse.

Sed quo me raperes dolor, si in tristi  
morientis *Regis* imagine detinerer, & quam  
parum efficerem, quod ut fieret, publica  
auctoritate mihi injunctum est! Jusfit enim  
*Senatus*, quo in *Reges* suos & post mortem  
cultu fertur, non flere ex hoc loco, sed ver-  
ba facere; non morti, sed divinis *Optimi Prin-*  
*cipis*

*cipis* factis immorari ; non lacrymis sed iusta laudatione AUGUSTUM prosequi ; non ipsam jacturam, sed gravissimæ jacturæ causas memorare ; denique ostendere, qualis in hac *Polonæ Reipublicæ* orbitate, a *Summo Numine* expetendus *Successor*. Sentio onus, & immensa mole obruor, quando ad numerosam AUGUSTI gloriam intendo animum. Offerunt enim se se præter res toga belloque gestas, quarum copia & varietas vix cogitatione capi possunt, genus vetustissimum & summum; oris cum humanitate dignitas; incessus habitusq; corporis Principem ostentans; robur incredibile; validior tamen illo animus & nulla fortuna fractus; divina mentis vis; clementia singularis; indulgentia plusquam paterna; scientiæ militares; regnandi artes; & multa alia, quæ neque una

C dies,



dies , neque unus sermo enarrare , neque eadem ferie , sine intervallis , audiri possunt. Ignoscite ergo, *Patres Conscripti* , quod hodie non totum AUGUSTUM , quantum in mortalitate fuit , fisco , sed ex innumeris *Ejus* virtutibus , unam tantum deligo , quæ tamen tanta est , ut , si in aliis occurrit , sola consummatisimos reddere valeat. *Indulgentiam* PARENTIS nostri intelligo , quia sic emittit , ut cum parem haberet neminem , omnes longe superaret ; quia non *Polonorum* & *Saxonum* , sed orbis regimen , si uni aliquando subesset , meruit ; quia non latius in corpora nostra , quam in animos imperium exercuit , ac effecit , ut extincta Majestate , in pectoribus nostris colatur suspiciaturque. Per illas lacrymas , per illum dolorem , quo profecuti estis *Patres* acerbum AUGUSTI  
obi-

10  
obitum, per illam, qva sanctam ejus memo-  
riam reveremini, pietatem, oro & obtestor,  
audite dicturum benigne, & cum illam gra-  
tiam nullus mereor, date hanc facilitatem  
*Principis* lenitati, qva *Vos* complexus, orna-  
vit, extulit. *Cæteri* quotqvot huc conflu-  
xistis, pro sua quisque dignitate & conditio-  
ne *observandi*, *honorandi*, seqvimini *Senatus*  
exemplum: erit insigne summi in *Principem*  
affectus experimentum, audiri a *Vobis* homi-  
nem attente, cui non alia inest eloquentia,  
quam qvot de AUGUSTO orationem in-  
stituit.

Soleo P. C. *cæteri Auditores*, O. G. H.  
humanam sortem deplorare, qvando Impe-  
ria & Illorum qvi eadem administrant, in-  
finitam potestatem mecum expendo. Vi-  
deo enim tot millia *Unius* libidini servire; in-

C<sub>2</sub> nume-



numeræ multitudinis felicitatem & miseras,  
ex *Unius* nutu pendere; vitam, famam,  
familiam, fortunas, *Unius* arbitrio subesse;  
deleri integros exercitus, excindi urbes,  
igne & ferro regiones vastari, incolas ad ul-  
timam egestatem redigi, orbem misceri, ut  
ille *Unus* olim Bellator, Heros, Gentium  
Victor, Magnus, audiat & celebretur. Tum  
mihi genus humanum, paucis saltem exce-  
ptis, veluti aliquam piacularem victimam  
ob oculos pono, ideo ratione instructam, ut  
suam infelicitatem magis sentiat, & quæ, cum  
sine imperio esse vix possit, sub imperio non  
nisi miseria esse debeat. Ubi tamen distra-  
ctam mentem colligo, non ab Imperio, sed  
*Iis* qui præsunt, non a Principatu, sed *Prin-*  
*cipibus*, qui potestate sua male utuntur, hanc  
calamitatem repetendam deprehendo: po-  
tius

tius quæ inter cives sunt societates, veluti late diffusam familiam mihi formo, in qua *Summus Imperans* patrem, *Eidem* subjecti liberos referant: ut idem *Principum* quod *Patrum* munus, cives servare, protegere, & quam beatissimos reddere. Nec alii ipsi *Regnantes* videri volunt, sequunturque naturam, dum *Patres* credi ambitiose contendunt, illud nomen cæteris, quæ vel superbia, vel adulatio indidit, præferunt, & publicas suas curas, paternas vocitant. *Cæsar Octavianus*, nunquam tanto gaudio affectus, non ipsa, qua pronum ad Principatum iter, *Actiaca* victoria, quantum sensit, cum PATER PATRIÆ consalutaretur. Obortis enim præ lætitia lacrymis, respondebat iis qui titulum deferebant: *Compos factus votorum meorum P. C. quid habeo aliud DEos immortales precari,*



quam ut hunc consensum vestrum, ad ultimum vitæ  
finem mihi perferre liceat. Qui Octaviano suc-  
cesserunt, quamvis sanctum illud nomen mi-  
nime promeriti, usurparunt tamen, quasi sæ-  
vitia & tyrannis, specioso vocabulo occulta-  
ri possent, & inde statim PATRES fierent,  
qui factis, Principum dedecora, & generis hu-  
mani pestes fuerunt. Non ullius tanta in-  
ter Gallos memoria, quanta Ludovici Duode-  
cimi, nec ex alia ratione, quam quod Populi sui  
Pater & esset & diceretur, cui Magnus Lu-  
dovicus, cum innumeris suis victoriis, cum  
omni, quæ summa fuit, nominis gloria, in  
animis civium cedere cogitur. Ex Nostreis  
Johannes Casimirus, posito jam imperio, sic su-  
am solabatur in Gallia solitudinem, quod Gen-  
tis suæ olim Parentem se egisse crederet. AU-  
GUSTO SECUNDO non delatum PA-  
TRIS

TRIS nomen, at meruit; non *Ipsē* dici voluit, sed PATER fuit; & cum a nemine vocaretur, habitus ab omnibus.

Cui *Te Optime* Principum conferam?  
Qvi olim Paterno affectu cives complexi,  
Principes erant, cum Patres fieri inciperent.  
*Tu* nondum *Polonorum Rex* & jam indulgentia  
illorum *Patrem* agebas. Erat post *Johannis III.* finem, tristis Reipublicæ facies, cum  
Ordines diversis studiis disfiderent; miles  
quod non unius anni stipendia frustra flagitaverat,  
obsequium exueret; & cum *Turcis* grave bellum ferveret.  
Non deerant, qvi in publica hac calamitate, suis commodis intenti,  
Regem circumspiciebant, sibi modo utilem,  
Patriæ licet non leve discrimen, ut tum quidem apparebat, allaturum: ut non  
nuta-



nutare, sed suis ruinis brevi involvenda videretur *Polonia*. Aderas fessis rebus, AUGUSTE, & labantem Rempublicam *Tuis* humeris sustinebas, cum tuos exercitus, tuas opes, & quod cætera longe excedit, *Te ipsum* ingenti animo offerres. Poteras in amantissima *Tui Saxonia*, molli otio frui; poteras cumulas a Majoribus opes *Tibi* servare & augere; poteras minori impendio, labore nullo, Tuas Provincias proferre, & ad *Tui* fastigii *Hæredes* transmittere: sed occulta quædam amoris vis adegit, ut *Te*, Tuam *Domum*, spes amplas, salutis externæ *Gentis*, lingua, moribus, legibus diversæ, & fama tantum notæ, memorabili exemplo postponeres, & *Eandem* æternis beneficiis obstringeres, a *Qua* ante nulla receperas.

Hunc

Hunc fructum *Auditores*, nobis peperit, imminens Poloniæ exitium, ut Optimus Princeps contingeret, qui, nisi Republica in ancipiti, haud contigisset. His artibus paravit sibi Imperium AUGUSTUS, hac via sedem Regiam ascendit, quam ante ipsum, ingressus nemo. Et dederunt quidem turbæ Romanis olim *Trajanum*, at nullo *Trajani* impendio, nec alio labore, quam quod ultro delatum imperium susciperet. Quis tamen, nisi illorum temporum acta loquerentur, crederet, incomparabilem illam *Principis* benignitatem, spretam a nonnullis, & malignis sermonibus in suspicionem & invidiam adductam fuisse, imo cum major & potior pars, AUGUSTO jam Electo, insignia Regia solenni pompa tradidisset, pervicax secessionis studium, contra communem Patriæ



triæ felicitatem tantum valuisse, ut factio ad-  
versus *Majestatem* insurgeret, quæ blando li-  
bertatis juriumque vocabulo, incautis du-  
ram servitutem struere videbatur. *Titus* Cæsar,  
amor & deliciæ humani generis, suspectissi-  
mum quemque sibi, haud cunctanter oppres-  
sit: quam diversus ab illo, noster *Amor*, no-  
stræ *Deliciæ* **AUGUSTUS!** non oppri-  
mebat, qui in *Sui* perniciem, infausto foedere  
continebantur, sed in hoc omnis cura, ut  
salvos *sibi* beneficiis conciliaret, quos adver-  
sos experiebatur: inprimis cum probe sciret,  
si non omnes, plurimos a scelere immunes,  
in culpam humani erroris incidisse, & con-  
tumaces licet, filios esse non desinere. *Luo-*  
*dovicus undecimus*, Franciæ Rex, averfis Pro-  
cerum animis in rem suam usus, cum publi-  
catis illorum bonis, fiscum egregie locupleta-  
ret.

ret. Tantum aberat, ut AUGUSTUS ex civium fortunis ditesceret, ut potius ex suo largiretur, quo reduceret, qui deflexerant. *Cæsar* tamen *Octavianus* opibus & honoribus extulit, qui in hostium partibus fuerant: sed tum demum, cum ferocissimi per acies & proscriptione cecidissent, & qui supererant, subeundo servitio essent prompti. Non infecit civili sanguine *Parens* noster Regni sui primordia, non quemquam exulare jussit, neque *Majestatis* suæ contemtores, ad servitutem pellexit, sed salvis omnibus & integris, iniquæ licentiæ legitimam libertatem præferre, pecunia & honoribus persuasit. Non post longa officia, infimis precibus, quasi redimendæ Præfecturæ & dignitates: AUGUSTUS suis hostibus ultro offert, nec alio nisi Reipublicæ commodo, quam ex re-



stituta civium concordia, florentiorem sperat.

Sæpe tamen Reges non eodem animo gerunt Imperia, quo susceperunt; sæpe summa moderatio, in immanem sævitiam exire solet, ut & ipse *Nero*, qui postea omne crudelitatis genus exercuit, regiminis initio, cum capite damnatorum suppliciis subscribere deberet, optaverit: *quam vellem nescire litteras!* Forte **AUGUSTI** lenitas sensim immutata; forte civium bonis inhiare didicit; forte severior, forte crudelior redditus. Posset subnasci metus, si non innata, sed assumpta tantum & usu quodam firmata fuisset humanitas: at quam altis radicibus infixam quasi credimus *indulgentiam*, quam non atrocissimum bellum, non implacabile hostis odium, non civium iteratæ factiones, non acerbis-

cerbissimæ in *Majestatem* injuriæ , sic suo loco  
movere potuerunt , ut sive de vindicta , sive  
poena cogitatum fuisset. Id saltem in mitis-  
simo pectore dolorem exulcerabat , cives su-  
am lacerare Patriam , in sua sævire viscera ,  
hostium signa sequi , robur illorum firmare ,  
contra Principem in acie esse. Nihil omis-  
sum , quo ad se redirent , quos turbo trans-  
versos egerat : adhibitæ iterum iterumque  
monitiones vere paternæ , additæ preces , o-  
stenso tristes intestini mali eventus , oblata  
præteritorum venia : & qui his non moveban-  
tur , tentati quæ nondum meruerant præmiis ,  
quibusque præsentia non sufficiebant , pro-  
missa majora. At incassum omnia : incesse-  
rat magnam Poloniæ partem , vehementior a-  
liqua vis , quæ invitos fere in Patriæ ruinam  
impellebat rapiebatque.



Sic Indulgentissimo Principi, servandorum civium, ablata videbatur potestas, quam tamen in ipso praeliorum fervore, inter cædes & strages hostium exercuit, ut permixtos Polonos dignosceret, ac in fidem receptos, ad suos lares, dimitteret incolumes. *Julius Cæsar* olim ad milites suos: miles parce civibus; Idem tamen: miles feri cives. AUGUSTUS pepercit perpetuo, & ferire jussit nunquam.

Venio ad summum gloriæ apicem. Adeo jam Hosti fortuna faverat, adeo ab illis ipsis, quos acerrime oppugnabat, adjutus fuerat, ut rebus quasi ex sententia confectis, in Saxoniam se se infunderet, debellaturus ibidem AUGUSTUM, quem in Polonia quidem semel iterumque acie vincere, sed superare haud

haud potuerat. Optaverat jam olim benignis-  
simus *Princeps* pacem, obtuleratque aliquo-  
ties, at honestam, suo fastigio, suo animo  
dignam. Hostis negare omnem nisi Regno  
cederet: in eadem sententia perstare, & ex-  
trema minitari Saxoniae, ni obtineret, quod  
iterum pro imperio postulabat. Ardua tum  
in *Principis* animo contentio, cum *Majestas*  
& *civium amor* certarent, quod cives salva  
*Majestate* servari non poterant, & durum vi-  
debatur, *Hanc* alterius arbitrio subicere.  
Vicit *amor*, cum *Majestas* vinci vellet, &  
optimus *Princeps*, Regnum quod liberrimi  
Populi suffragiis, suis virtutibus, omnium  
bonorum votis susceperat, per summam in-  
dulgentiam sibi extorqveri passus. AUGU-  
STE! sæpe quidem Magnus apparueras, at  
tum Maximus, cum *Te* supra regnandi libi-  
dinem,



dinem, quam Principes cum vita demum  
exuunt, efferres, neque uno, sed pluribus  
Regnis dignus videbaris, cum regnare desi-  
neres. Superaverat Hostis *Tuam* fortunam,  
*Tu* hostem, imo *Te Ipsum*, ut cum Ille feli-  
cior, *Tu* fortior, & esses & habereris. Cre-  
debaris cogi, sed *Tu* Victorem adigebas Sa-  
xonia exire & ad suam cladem festinare.  
Non tamen fugiebas ex Polonia, cum Regno  
cederes, sed redimitus *Calisiensi* laurea in *Sa-  
xoniam* redibas, ut de ipsa victoria trium-  
phum duceres. Solus ergo, Victor, Ma-  
ximus, Patriæ Pater, quod sic Cives amasti,  
ut victoriam, dignitatem, omnia, illorum  
incolumitati posthaberes.

Non tamen deseruerat Regnum AU-  
GUSTUS licet abesset, cum arctiori vin-  
culo

culo, ipfisqve legibus, nulla vi, nulla patientione perrumpendis, constringeretur. Et *Polonia* quidem anxie *Saxoniam* respiciebat, neqve nisi inde suarum calamitatum & funestissimæ discordiæ finem sperabat expectabatqve, ut suæ salutis hoc tantum remedio consultum crederet, si afflictæ & laceræ *Reipublicæ* rursus præfideret AUGUSTUS. Exoratus civium votis, aut suo potius in eos compulsus amore, reddidit se benignissimus *Princeps* Terris nostris, ac salutarem manum vacuis Regni gubernaculis, iterum admovit. Ad famam AUGUSTI adventantis, quasi sedibus suis moveri exultans *Polonia*, & ubi *Varsoviæ* constitisset, *Ordines* undiqve confluere, *Principem* osculo manus venerari, sua obsequia novis scitis roborare; *Princeps* omnes admittere, omnes suæ clementiæ

E

fic



fic securos reddere, ut redux AUGUSTUS,  
olim in Se patratorum, ne quidem memine-  
rit. Tum demum intelligebamus, quæ no-  
bis per duram ad vetus Rastadium pacem  
parta felicitas, quantum AUGUSTUS Re-  
gno præstiterit beneficium, cum cedendo ad  
tranquillitatem viam muniret, quæ in illa ho-  
stis pervicacia, hoc uno modo restitui pote-  
rat. Si non aliud extaret Principis meritum,  
utique illo solo æternum sibi Rempublicam  
obstrinxisset: at memoravimus Jalia, restant-  
que plura, minora quidem, sic tamen com-  
parata, ut singularem plane *indulgentiam* per-  
petuo ostentent, & omnes admiratione per-  
fundant, fidem aliquando excessura. Cre-  
dentne Posteris? fuisse olim in Polonia Regem,  
*Qui* bellis sua virtute compositis, intestinos  
motus, sola clementia sedaverit; *Qui* cum  
civi-

civium plurimi iterum iterumque fidem labefactassent, neminem fama, bonis, vita multaverit; *Qui* nulli, modo redire voluerit, ad suam gratiam aditum præcluserit; *Qui* receptos, omni præteritorum extincta memoria, ad aliorum invidiam beneficiis extulerit; *Qui* in vindicandis etiam facinoribus humani sanguinis abstinentissimus fuerit; *Qui* denique in summo fastigio, tanta humanitate, tanta moderatione, tanta innocentia egerit, ut si quid durius Ipso incio vel invito actum, statim humani generis iudicio absolveretur. Ipsi qui his interfuimus, quibus frequens de iis sermo, qui toties eadem admirati, vix post aliquot annos nobis persuadebimus, acta hæc fuisse a Principe, aut ab uno Principe fieri potuisse. Vos vero, *Auditores*, ex hac una



virtute **AUGUSTI** Magnitudinem colligite,  
ipsiq; dispicite, num una oratio, Eundem To-  
tum complecti valeat, cum sola indulgentia,  
si per singula celebranda, diffusissimam re-  
qvireret.

*A* *Te* tamen, *Divine* **AUGUSTE**, quamvis  
recensendo indulgentiam finem statuo, non-  
dum avelli possum, compellendus iterum,  
antequam ex hoc loco descendo, neque *Te*,  
in coelum receptum, in posterum alloqvendi  
dabitur copia. Duo olim a *Summo Numine*  
precatus, *Tibi* vitam, mihi otium, ut ex-  
cellas tuas virtutes, & immortalia facta enar-  
rarem, *Tuumque* gravissimum iudicium experi-  
rer, ac *Tu* gloriae *Tuae* vivus interesses. Mi-  
hi quidem otium fuit negatum, quod pati-  
entius ferebam, cum *Te* superstiti, liberio-  
rem sene-

seneſtutem ſperarem, crederemque non forte, ſed providentia ſingulari ita eveniſſe, ne poſt *Principis* res geſtas, levioribus curis detinerer, verum tanto opere conſecto, ſtatim ipſe mortalitatem finirem. At *Te, Parens indulgentiſſime*, extincto, omne periit votum, & infelicifſimo neque hoc conceſſum, a *Te* aliquando legi. Non tamen ideo *Tuas* coeleſtes virtutes contemplari, *Tua* facta mecum revolvere, *Tui* memoriam venerari, & ad poſteritatem transmittere deſinam: imo jam in hodierno Confeſſu, publicum pietatis meæ extare volo monumentum, dum cæteris *Tuis* titulis, ex humani generis ſententia, OPTIMI cognomen adiicio. Dicaris ex hoc die AUGUSTUS OPTIMUS, qui fuiſti; hoc vocabulo inter Reges Poloniæ effulgeas Qvos *indulgentia* ſuperaſti omnes; eodem *Suc-*



*cessores* oneres , quibus idem mereri etiam at-  
que etiam enitendum erit; neque alio posteris  
& qui post longas ætates ex iis nascentur, inno-  
tescas , ut *Tua* gloria , qua vivus orbem im-  
plevisti , post obitum in æternitatem tempo-  
rum eat proferaturque.

Transeo ad *Vos* , *Patres Conscripti*. Scio *ve-*  
*stras* ex *Principis* morte lacrymas , scio sum-  
mum *Vestrum* dolorem, qui ipsas lacrymas re-  
pressit. Et habetis lamentationis causam ma-  
ximam , quod non Regem sed verum *Paren-*  
*tem* amisistis. Sub *Illius Majestate* , *Vestra Au-*  
*toritas* , quæ toties incessitur , & quam con-  
culcarent alii , secura stetit. *Ille* & *vestras*  
querelas audivit patienter & precibus annuit  
benignissime. Si quæ in Civitatis commoda  
fieri deberent , concessit liberaliter , nihilque  
eorum

eorum omisit, quæ eandem tutiorem florentioremque reddere possent, sed omnia sollicitius prospexit. Fuit aliquando tempus, neque vos fugit, sed Majoribus Vestris grave, quo ad Magistratum delationes incitabantur malevoli; quo facilis aditus patebat omnibus, qui repetundarum, administratæ perperam Reipublicæ, aliaque crimina intentare non erubescerent; quo Senatus accusatore promiscuo ad dicendam causam evocabatur; quo mox adversus plures, mox adversus singulos agendum; & quo neque lites neque judicia, nisi deficientibus actoribus, finiebantur. Ignoravit talia *Augusti* Regnum. Maluit *Optimus Princeps* concordem, quam foro distractam Civitatem, & quoties ad *Ipsam* delatæ criminationes, qua labe Beatissimum *EVUS Sæculum* non caruit, *Vestram* prius audit



vit innocentiam antequam in *Vos* statueret;  
imo nunquam in *Vos* statuit, quod *Vestra* in-  
tegritas patuit perpetuo. Non inhiavit *Is*  
Civitatis opibus neque invidit, & quoties  
conferenda pecunia, quod sub *Eo* rarius fa-  
ctum, non imperavit *Principis* indoles, sed  
temporis necessitas exegit. Cur tamen au-  
geo repetendo *Augusti* Paternum animum, *Ve-*  
*strum* luctum, a quo ad Urbis curam revocan-  
di estis. *Vos* solos enim respicit *Patria* ex quo  
*Rege* se carere sentit. Insurgite *Patres*, & no-  
vo animo, novo robore, Rempublicam capes-  
site, cum *Vestris* tantum cervicibus omnis il-  
lius salus innitatur. Vigilando, consultan-  
do, agendo, laborando, id efficite, ut ur-  
bem, quam integram ab AUGUSTO accepi-  
stis, quam *Ejus* Auspiciis sapienter rexistis,  
*Successori* servetis incolumem. Proferenda ta-  
men

men & extra pomerium *Vestra* sollicitudo,  
quod non unius Urbis Senatum, sed simul  
*Prussiae* *Ordinum* insignem partem constituitis.  
Succurrite afflictæ *Provinciae*, & non ex uno  
vulnere ægræ. Resurgat vestra opera, ex  
Jurium suorum ruinis, & cum antiquum  
splendorem sperare haud possit, convale-  
scents ex longo morbo recipiat faciem. Sit  
inter primas curas *Religionis* nostræ libertas,  
qua in Terris nil sanctius, nil excellentius,  
nil humana providentia dignius. Et illius  
causam Majores Vestri post *Sigismundi Augusti*  
mortem, interrito animo egerunt pervice-  
runtque, ut inter publicas leges referretur.  
Servate *Vestra* constantia & animi fortitudine,  
locum quem olim obtinuit, & per *Vos* in se-  
ram posteritatem illibatum derivetur omne il-  
lud, quod magno labore, nec minoribus im-



penſis impetratum, ad Vos pervenit, & quod  
veſtræ commiſſum fidei, ut factum tectum-  
que tradatur aliis.


*Tu* vero *Deus* O. M. Qui olim Poloniam  
Rempublicam conſtituiſti; Qui *Eandem* inter  
tot diſſidia, turbas, tumultus & funeſtiſſi-  
ma bella, per multa ſæcula ſervaviſti integram;  
imo quod invident alii, novis Provinciis au-  
xiſti: miſerere orbitatis, & deſtitutam *Rege*,  
*IPSE* protege & defende. Circumponere un-  
dique tuum præſidium, quo tuta ſit ab ex-  
terna vi; conſtringe omnium animos, ut  
unum ſentiant, unum velint, illudque unum  
ex publica ſit ſalute & utilitate omnium.  
Perveniat tandem hoc Interregno, ad to-  
ties expetita remedia & allevamenta *Pruſſia*  
noſtra, & reddatur ſuis juribus, haud alie-

22  
no beneficio sed suo sanguine partis. Non  
agatur cum *Eadem* per imperia, sed ut inter  
populos suis legibus viventes fieri, & ratio  
& pacta jubent. Habeatur simul hujus Urbis  
non postrema ratio, neque hoc tempore ex-  
cidat, Polonum Orbem olim in *Eadem* ser-  
vatum fuisse. Absit ut alienæ libidini serviat,  
quæ quondam iniquam dominationem ma-  
gno animo excuslit, ac impune a privatis con-  
temnatur, quæ Summorum Principum fa-  
vorem promereri didicit. Ut denique uno  
vocabulo futuram felicitatem complectar:  
*Deus*, redde nobis AUGUSTUM, & cum  
mortalium nemini AUGUSTUM æquare  
concessum est, redde quam *Simillimum*!
















Biblioteka Jagiellońska



stdr0024483



